

Evaluashon sientifiko di e laman kantu di kosta di Kòrsou ta ranka sali otro siman

Djaweps, 5 di novèmber 2015

PERSONA DI KONTAKTO: Gisette Seferina, gisette.seferina@gmail.com, +599 9 512-2141

WASHINGTON, DC. (*Waït Institute*) - Den kolaborashon ku gobièrnu di Kòrsou i Carmabi, Waït Institute lo enkabesá un ekspedishon ku lo bai investigá e kondishon di e rekursionan marino kantu di kosta di Kòrsou. E evaluashon sientifiko ta un paso klave den e trabou di Blue Halo Curaçao ku ta un inisiativa ku a keda lansá na febrüari di e aña aki, ora ku gobièrnu di Kòrsou i Waït Institute a firma un akuerdo (M.O.U.) ku otro.

E meta di Oura Blou Kòrsou (Blue Halo Curaçao) ta di proyektá, krea i implementá maneho di laman ku ta duradero, ku tin un fundeshi sientifiko i ku ta konta ku partisipashon di komunidad. E plan di maneho pa laman no ta eksistí ainda- no tin nada riba papel te ku awor- di manera ku e informashon ku lo bai kolektá tokante e koral, piská i otro tipo di organismo ku ta biba den laman, lo ta útil pa gobièrnu na momentu ku ta bai konsiderá ki tipo di medida di maneho di laman por ta apropiá i efektivu.

"Tin espektativa altu pa e evaluashon i su resultadonan, ku sin duda lo produsí datonan históriko, partikularmente na e parti nort di nos isla. E resultadonan lo kontribuí na formulashon di e plan di maneho di laman ku lo sirbi komo e base pa un maneho sólido," asina Sra. Geraldine Christina, sekretario general di e ministerio di salú, medioambiente i naturalesa a deklará den un karta di sosten na e investigashon aki.

E evaluashon ariba mensioná lo hasi uso di e barku di inveshashon sientifiko di Waït i su dos yolanan, i tambe un embarkashon lokal pa kondusí e investigashon bou di awa. E investigashon ta keda hasí pa 12 biólogo marino ku ta eksperto den investigashon den area di Karibe, den kolaborashon ku sientifikonan di Carmabi i vários bushi lokal.

E tim di investigashon aki lo bishitá aproksimadamente 150 sitio bou di laman rònt Kòrsou. Na kada sitio nan lo kolektá informashon tokante koral, lima, piská, i otro bestianan di laman, pero tambe tokante e kalidat di e awa di laman mes. Tur informashon ku e sientifikonan kolektá durante di e evaluashon aki lo keda entregaá na gobièrnu di Kòrsou. Lo analisá i kompilá tur e informashon den un rapòrt sientifiko ku lo keda publiká den e promé mitar di aña 2016.

Ta e intenshon pa algun di e sientifikonan partisipante bishitá algun skol lokal pa kombersá ku e studiantenan tokante biología marino en general i di e evaluashon sientifiko en partikular.

Informashon i rekursionan adishonal:

Waït Institute: <http://www.WaittInstitute.org>

Twitter: <https://twitter.com/WaittInstitute>

Instagram: instagram.com/waittinstitute/

Facebook: <http://facebook.com/waittinstitute>

YouTube: <http://youtube.com/waittinstitute>

Tumblr: <http://waittinstitute.tumblr.com/>

Pa mas informashon of pa regla entrevista, drenta den kontakto ku:

Gisette Seferina, mèneder lokal di Oura Blou Kòrsou (Blue Halo Curaçao)

gisette.seferina@gmail.com; +5999 512-2141

Waitt Institute: E organisashon konosí komo Waitt Institute ta boga pa hasi uso di laman i su rekursanan na un manera ku ta ekológikamente, ekonómikamente i kulturalmente sostenibel. E instituto ta kolaborá ku gobièrnunan dediká na desaroyo i implementashon di solushonnan ku ta basá riba evidensia científiko, i ku ta gosa di apoyo di e komunidad, pa asina yega na maneho sostenibel di laman.

Nos meta ta pa benefisiá komunidadnan kosteño pero alabes restòurá e poblashon di piská i e zonan kaminda piská ta biba. Nos forma di traha ta enserá aserkamentu i komunikashon ku e gruponan di interes (stakeholder), i nos ta pone e instrumentonan nesesario na disposishon di e stakeholdernan konserní pa nan por diseñá maneho ku ta apropiá pa e situashon lokal. Nos ta fasilitá e proseso legislativo i nos ta brinda sosten na e kapasidat lokal pa por logra implementashon efektivu i eksitoso di e kuadro di lei a largo plaso.

Blue Halo Initiative: E "Blue Halo" o sea "Oura Blou" ta referí na e laman ku ta rondoná un isla, i e rekursanan den e awanan aki, ku ta keda manehá ku e meta pa alkansá sostenibilidat, probecho i goso. E inisiativa konosí komo Blue Halo ta un kolaborashon entre Waitt Institute i gobièrnunan ku ta kere den kreashon i implementashon di un maneho sostenibel amplio